

DECLARATION

(308)
5595

DV ROY, CONTRE LE
Duc de Rohan, ses Complices &
Communautez, adherants à sa
faction.

*Verifiée au Parlement de Tolose, le 29.
Octobre, 1627.*



20

Iouxtela coppie Imprimée à Tolose.

A P A R I S,
Par P. METTAYER, Imprimeur &
Libraire ordinaire du Roy.
M. DCXXVII.

11 pp.
Lett.
m.

(803) 101-38257

DECLARATION
DU ROY, CONTRE
Duc de Rohan, les Comptes &
Commissaires, adhérents à la
faction.

Paris, le 10 Mars 1627.



Imprimé chez la Citoyenne de la Harpe.

A PARIS
Par P. MATHY, Libraire
L'ancien ordinaire du Roy
M. DCCXXVII



LOUIS, par la grace de Dieu, Roy de France & de Nauarre, A nos amez & feaux les gens tenans nostre Cour de Parlement de Tolose, Salut. Le Duc de Rohan ayant en suite des diuer-
ses pratiques & menées qu'il a faites, tant dedans que dehors nostre Royaume, pour troubler le repos de nostre Estat, fait courir vn escrit en forme de Manifeste, cōtenant plusieurs discours pernicioeux, pour couvrir & pallier sa perfidie & desobeyssance, & tendans à esmouuoir par artifices & faux pretextes nos sujets de la

Religion pretenduë reformée, & les
 soustraire de leur deuoir naturel, en
 ayant mesmes contrainct aucuns par
 force & violence de jurer vn serment
 d'vnion pour se ioindre avec les An-
 glois, ainsi qu'il nous est apparu par
 actes qui nous ont esté representez;
 ayant ledit Duc passé iusques à ce
 point d'audace & temerité, que de
 declarer par ledit manifeste d'auoir
 attiré lesdits Anglois estrangers dans
 nostre Estat, pour se rende prote-
 cteurs des Eglises pretenduës refor-
 mées, & les deliurer des oppressions
 qu'il pretend & suppose mescham-
 ment leur estre faictes en l'exercice li-
 bre de ladite Religion: s'estant en sui-
 te de ce mis en campagne avec trou-
 pes, tant de cheual que de pied, deli-
 uré ses Commissions, & commis plu-
 sieurs actes d'hostilité, perfidie, & re-
 bellion: Au moyen dequoy, voulans

qu'il soit pourſuiuy comme ennemy de noſtre Eſtat, & principal auteur des troubles & factions preſentes, nō ſeulement par la voye des armes, mais encores par les peines portees par nos lettres de Declaration du mois de Aouſt dernier, faites contre ceux qui adhereront ou fauoriſeront leſdicts Anglois. A CETTE CAUSE, Nous voulons, vous mandons & ordonnōs par ces preſentes, ſignées de noſtre main, qu'en conſequence de noſdites lettres de Declaration, vous ayez à faire & parfaire le procez audit Duc de Rohan par les formes portées par nos Ordonnances, nonobſtant tous priuileges, meſme celui de la Pairie, deſquels il eſt décheu, & s'eſt rendu indigne, attendu l'enormité du crime notoire de rebellion, & attentat par luy temerairement aduoſié contre noſtre authorité, & le repos de noſtre

Royaume. Voulons pareillement que vous ayez à faire & parfaire le procez à tous ceux qui luy font adherants; mesmes aux Villes & Communautéz de vostre Ressort, qui se portent en corps à ladite rebellion: Declarant, comme nous declaronz de rechef par celsdites presentes lesdites Communautéz, & les habitans d'icelle qui auront iuré ladite vnion coupables & criminels de leze-Majesté, decheus de toutes graces & priuileges par Nous accordez à nos subjects de la Religion pretendüe reformée, sans esperance d'aucun re-stablissement Vous ordonnant de proceder contre leurs personnes, memoire & biens, par les peines portées par nosdites Lettres: sauf pour les Particuliers & lesdites Communautéz, si dans huiet iours apres la publication des presentes en nostre-

dite Cour, & aux Iuges principaux
 qui en depēdent, ils se departēt de la-
 dite rebelliō, & d'adherer audit Duc
 de Rohan; & en passent les actes de
 leur declaration, desistement & sub-
 mission à nostre obeissance, aux
 Greffes des Iuges du Seneschal de
 Tolose, Carcassonne, Castelnau-
 darry, Beziers, Beaucaire, Viuiers,
 Mande, Narbonne, Villefranche
 de Rouergue, & le Puy; ne laissant
 pas neantmoins d'estre faict toutes
 poursuites, iugemēs contr'eux, exe-
 cution d'iceux, iusques à tant que
 lesdits Particuliers & Communau-
 tez se soient actuellement desistez, &
 en ayent passé lesdites declarations:
 lesquelles nous entendons estre si-
 gnées des Lieutenans Generaux des
 Sieges, du Substitut de nostre Pro-
 cureur General, & du Greffier. Et
 outre ce, que lesdites Communau-

tez ayent renoncé à l'vnion avec ledit Duc de Rohan, & ouuert les portes à nostre tres-cher & tres-amé Cousin le Prince de Condé, Lieutenant General de nostre Armée en Languedoc, ou à nostre tres-cher & bien-amé Cousin le Duc de Montmorency, Gouverneur & nostre Lieutenant General en ladite Prouince, & receu d'eux Garnison, pour nous asseurer de leur fidelité. De ce faire vous donnons pouuoir, autorité, commission, & mandement special par cesdites presentes. Mandons à nostre Procureur General en nostre dite Cour, faire pour l'effect que dessus, toutes poursuites & requisitions nécessaires; & à vous d'y vacquer toutes affaires cessans, & sans intermission. Car tel est nostre plaisir. Donné au Camp d'Estre le quatorziesme iour d'Octobre, l'an de grace mil six cens

cens vingt-sept, Et de nostre re-
gnele dix-huictiesme.

Signé, LOVIS.

Et plus bas, Par le Roy,

PHELYPEAUX.

Et scellée du grand sceau de cir-
iaune.

Extraict des Registres de Parlement.



*VR la lecture, publica-
tion & registre indicielle-
ment requis par le Procureur
General du Roy, des*

B

Lettres Patentes de Declaration de sa Majesté, données au Camp d'Estré le quatorziesme de ce mois d'Octobre mil six cens vingt sept, Par lesquelles le Roy declare, veut & ordonne, que la Cour ayt à faire & parfaire le procez au Duc de Rohan, pour les causes contenues ausdites Lettres suyuant & conformement en icelles.

LA COUR, eüe deliberation, a ordonné & ordonne que lesdites Lettres Patentes du Roy, desquelles la lecture a esté faite, seront registrées és Registres d'icelle, pour estre le contenu gardé, observé & executé selon sa forme & tenneur : Neantmoins que vidimus, ou copies collationnées d'icelles, sera enuoyée par toutes les Seneschaussées, Bailliages & Indicatures de ce Ressort, pour faire proceder en leurs Auditoires à semblable & pareille lecture, publication & registre desdites Lettres. Enioignant

*aux Substituts dudit Procureur General
esdites Seneschauſſées, Bailliages & In-
dicatures d'y tenir la main, & certifier
la Cour dans le mois du deuoir qu'il y
auront apporté, à peine d'en respondre à
leur propre & priué nom. Et outre la-
dite Cour a enioint & enioint à tous
les Officiers desdites Seneschauſſées,
Bailliages & Indications; ensemble aux
Consuls des villes & villages d'icelles,
d'arrester les gens de guerre tant de che-
ual que de pied, qui trauerſeront pays
sans aduen, & leur faire le procez con-
formement aux Ordonnances. Faict &
dit à Tolose en Parlement le vingtneuf-
iesme d'Octobre mil six cens vingtsept.*

Signé,

DE MALENFANT.



